


小峰高等學堂			
圖書部			
總 二 五 八 五 號	冊 百 一 九	冊 四 八	九 門 三 部



日本國志第九

卷之三十二

出使日本參贊官黃遵憲編纂

學術志一

外史氏曰余觀周秦間儒者動輒曰孔墨曰儒墨以昌黎大儒推尊孟氏謂不在禹下而亦有孔必用墨墨必用孔之言竊意墨子之說必有以鼓動天下之人使之尊信者今觀於泰西之教而乃知之矣余考泰西之學其源蓋出於墨子其謂人人有自主權利則墨子之尙同也其謂愛汝鄰如己則墨子之兼愛也其謂獨尊上帝保汝靈魂則墨子之尊天明鬼也至於機器之精攻守之能則墨子備攻備突削鳶能飛之緒餘也而格致之學無不引其端於墨子經上下篇當孟子時天下之言半歸於墨而其教衍而爲七門入鄧陵禽猾之徒且蔓延於天下其

入於泰西源流雖不可考而泰西之賢智推衍其說至於今日而地球萬國行墨之道者十居其七距之於二千餘歲之前逮今而駸駸有東來之意嗚呼何其奇也余足迹未至歐洲又不通其語言文字末由考其詳顧余聞東西之人盛稱泰西者莫不曰其國大政事大征伐皆舉國會議詢謀僉同而後行其薦賢授能拜爵敘官皆以公選其君臣上下無疾苦不達之隱無壅遏不宣之情其人皆樂善好施若醫院若義學若孤獨園林立於國中其器用也務以巧便勝其學問也實事求是日進而不已其君子小人皆敬上帝悛禍福其法律詳而必行其武備修而不輕言戰余初不知其操何術致此今而知爲用墨之效也余讀墨子諸篇每引堯舜禹湯之事以證其說其說之善者容亦有合於吾儒而獨其立教之要旨專在於尙同兼愛

則大異彼謂等天下而同之擻遂萬物而利之天下之人喜人自得自伸其權自謀其利故便其說之行而樂趨之交相愛則交相利苟利於眾則同力合作故事易舉無所甚親於父兄無所甚厚於子孫故推其愛於一國而君臣上下無甚差別相維相繫而民氣易固學問則相長也工巧則相示也故互相觀摩互相競爭而技藝日新而又慮其以同裨同無所統而易於爭亂也故稱天以臨之使人人知所敬而不敢肆由是而教誠修焉明法以範之立義以制之使人人知所循而不敢逞講武以防之使人人有所憚而不敢犯由是而政令肅焉由是而武備修焉彼欲行其尙同兼愛之說而精詳如此行之者其效又如此胥天下而靡然從之固無足怪然吾以爲其流弊不可勝言也推尙同之說則謂君民同權父子同權矣推兼愛之說則謂

父母兄弟同於路人矣天下之不能無尊卑無親疏無上下天
理之當然人情之極則也聖人者知其然而序以別之所以已
亂也今必欲強不可同不能兼者兼而同之是啟爭召亂之道
耳幸而今日泰西各國物力尚豐民氣尚樸其人尚能自愛又
恃其法令之明武備之修猶足以維持不敗浸假而物力稍絀
民氣日囂彼以無統一無差等之民各出其爭權貪利之心佐
以鬪狼好武之習紛然其競起天之不畏法之不修義之不講
卒之尚同而不能強同兼愛而無所用愛必推而至於極分裂
極殘暴而後已執尚同兼愛以責人必有欲行均貧富均貴賤
均勞逸之說者吾觀歐羅巴諸國不百年必大亂當其亂則視
君如弈棋視親如贅旒而每一交鋒蔓延數十年伏屍百萬流
血千里更有視人命如草菅者豈人性殊哉亦其教有以使之

然也前夫今日爭亂之事吾已見之矣後乎今日無道以救之
吾未知其爭亂之所底止也然則韓子之用墨舉其善而言之
也孟子之闢墨舉其弊而言之也日本之學術先儒而後墨余
故總論其利弊如此作學術志一漢學二西學三文字四學制
漢學

日本之習漢學蓋自應神時始時阿直岐自百濟來帝使教太
子菟道稚郎子以經典十五年又徵博士王仁帝謂阿直岐曰汝國有愈於汝
者乎曰有王仁者邦之秀也遂徵王仁仁始齋論語十卷千文一卷而來應神十
晉武帝太康五年考李暹千文注曰至繼體七年百濟又遣五
經博士段揚爾十年復遣漢安茂於是始傳五經據日本記以
孝經為五經繼體七年當梁天監十二年是時始傳書經相傳
日本有逸書者謬矣日本於孝武光武時均通驛使及魏並封
王賜詔而崇神時有任那國入貢垂仁時有新羅王子歸化當
時均不聞齋歸漢籍至君房所齋之書更荒遠不可考矣歐陽

公日本刀歌曰徐福行時書未焚逸書百篇今尚存令嚴然漢不許傳中國舉世無人識古文亦儒生好奇想像之辭耳然漢籍初來時僅令王子大臣受學第行於官府而已及通使隋唐典章日備教化益隆逮夫大寶益崇斯文自京師至於邦國莫不有學京師有大學學有博士國博士每國一人學生大國五十人上國四十人中國三十人下國二十人自神龜以降令博士學必藏經典神護景雲三年太宰府言此府為天下兼三四國史正本志在涉獵道尚不廣伏請列代諸史各給一本以興學業詔賜史記漢書後漢書三國志晉書各一部可知五經等籍國才必為貢人其教之之法有周易尚書周禮儀禮禮記毛詩春秋左氏傳之七經王弼注皆立之學官易立鄭康成三禮毛詩立鄭康成注左傳立服虔杜預注禮記立孔安國鄭康成注傳為大經毛詩周禮儀禮為中經周易尚書為小經而孝經論語則令學者兼習孝經立孔安國鄭康成注論語立鄭康成何若有不孝不順者配諸陸奧出羽貞觀二年敕令天下家藏孝經一本註敕曰大唐開元十年撰御註孝經作新疏三卷考世傳鄭註比之他經義理殊非又稽之鄭志康成不註孝經安國之本梁亂而亡今之所傳出自劉炫事義紛會誦習尤難故元宗為之

訓註冀闡微言乃敕學士金議可否碩德儒林咸共嗟伏應自今立諸學官考曰本唯公穀二傳不列於學後有遺唐使直講博士伊與部家守傳二傳以歸於是家守初講三傳然未建以為例延歷十七年式部省奏竊檢唐令易書詩三禮三傳各為一經今請以二傳准小此外有算學章綴術三開重差周髀九經永聽教授詔允之巧秀為宗有律學有音學漢音有吳音漢音一經各為有書學不講字體有律學有音學漢音有吳音漢音蓋王段博士之所授者吳音則傳於百濟尼法明初來對馬以吳音誦經故吳音又呼為對馬讀有唐人袁晉卿者於天平七年從遣唐使來歸通爾雅文選音因授大學音博士延歷十年詔令明經之徒習音十七年又詔諸讀書一用漢音勿用吳音有天文陰陽麻醫等學其養之法於大學置勸學田數百町以資費用於大炊寮每日給百度飯一石五斗以賞其勞其取之之法有秀才明經進士明法書算其大學生取五位以上子孫及東西史部謂漢直河內文首各姓之類漢直之先為河知業或為史官或為博士因賜之姓總謂之以補於式部國學生史部史部所居在帝城左右故曰東西以補於式部國學生取郡司子弟以補於國司國司既試則隨朝集使造於官至則

引見於辦官並付式部試而得第則敘官而朝廷之上自帝王以至公卿皆喜為詩文以相提倡文武帝嘗謁學行釋奠禮清和帝並詔修釋奠式於五畿七道以示尊崇聖教之意大學國歲時祀先聖孔子初稱孔宣父神護景雲二年亦諡曰文宣王有季路宰我子貢子游子夏也國學專祀先聖所有典章制度先師惟太宰府學三座為先聖先師閣子齋一倣唐制而遣唐學生所得學術歸輒以教人以故人材蔚起延喜天歷之間彬彬乎稱極盛焉王綱解紐學校漸廢及保元以降區宇雲擾士大夫皆從事金革源平迭起互爭雄霸一切以武斷為治無暇文字惟足利氏嘗建一校彙藏古書而已謂足利學爾時惟緇流略習文字國家有典章詞令皆命僧徒充其役斯文一綫之傳僅賴浮屠氏得不墜地者三百餘年逮德川氏興投戈講藝專欲以詩書之澤銷兵革之氣於是崇儒

重道首拔林忠於布衣命之起朝儀定律令忠出藤原肅之門者忠年十八遂聚徒講朱註於西京博士舟橋秀賢曰自古無敕許不得講書朝紳猶然況處士抗顏講新說乎議欲逐之家康聞之曰林某可謂特達之識遂召見被寵遇俾世司學事為國祭酒及其孫信篤遂變僧服種髮稱大學頭而儒教日尊先是文藝之事一歸於僧初亦為僧及林信勝出有僧人知其聰穎強其父命之剃度信勝堅執不可德川氏既定國儒者乃別立名目然猶指為剃外之徒禿其顛不列於士林信篤慨然以謂儒之道即人之道人之外非有儒之道而斥為制外可謂徹俗乃請於德川常憲始許種髮此元祿四年正月十四日事也幕府既崇儒術首建先聖祠於江戶德川常憲自書大成殿字於上烏革輩飛輪奐俱美諸藩聞風倣效各建學校由是人人知儒術之貴爭自濯磨文治之隆遠越前古自藤原肅始為程朱學肅字敏夫號惺窩播磨人初削髮入文教掃地而惺窩獨唱道學之說先是講宋學者以僧元惠為始而其學不振自惺窩專奉朱說林羅山那波活所皆出其門於是乎朱學大興物茂卿曰昔在遷古吾東方之國泯泯乎罔知覺有王仁氏而後民始識字有黃備氏而後經藝始傳有菅

原氏而後文史可誦有惺寓氏而後人人知師其說者凡百五

十人尤著者曰林信勝一名忠字子信林春勝一名恕字之道

林信篤一名贛字直民林衡字德餘號述齋本嚴村城木下貞

幹字直夫號錦新井君美字在中號白室直清字師禮號鳩柴

野邦彦字彥輔號栗那波觚字播磨人山崎嘉字敬義號開

淺見安正字綱齋德川光國字子龍號常安積覺字子光號濬

戶貝原篤信字子誠號益軒中井積善字子慶號竹佐藤坦大

道號唯一尾藤孝肇字志尹號二古賀樸字純風號精里古賀

煜號侗庵賴襄字子成號山陽為陽明之學者凡六人中江原

為之首原字惟命號藤樹近江人年甫十一日讀大學至壹

程朱學既而喜陽明王氏之說教誨弟子以勿泥格套去膠柱

溫厚無賢愚皆服其德嘗遇盜告以姓名賊皆投刀羅拜又之

京師道中與輿夫說心學輿夫感動流涕一時稱為近江聖人

其徒之善者曰熊澤伯繼字子介號蕃又有伊藤維楨字原佐

西京人初潛心宋學既而有疑乃參伍出入沈思有年恍然曰

大學之書非孔氏之遺書凡明鏡止水冲漠無朕虛靈不昧以

及體用理氣諸說皆佛老緒餘非聖人意也其學專以論語為

主孟子次之平居教學者以明道術達治體乃為有用之材而

以疏於記誦驚於空文為戒廣開門戶來者輻輳信者以為問

世偉人疑者以為陸王餘說仁齋處乎其間是非毀譽怡然不

問專以繼往不其喜宋儒而講學自樹一幟其徒七十人尤者

曰伊藤長允字元藏號東物茂卿之學號生氏名雙松以字行

人其先有仕南朝為物部者以官為族稱物部氏或單稱物氏

初伊藤仁齋倡古學於平安後徠乃著族稱物部氏或單稱物氏

而讀明人李王之書有所感發以古文辭為古經階梯創立一

家言自稱復古學曰古言不與今言同偏采秦漢以上古言亦

此物舍此則宋儒之妄章章乎明矣又曰道者文章而已六經之

道也其教則詩書禮樂四術自子思孟子又曰孔子之道先王之

識古人之意其詩文專宗李王以外專以史漢謂其言近古易以

其門人安藤東野山縣周南之輩從而鼓盪之聲號藉甚震撼

由史漢以上求經典學識頗富近伊藤而指斥宋儒空談則過

之門徒六十四人尤者曰太宰純字德夫號春臺信濃人服部元喬字子遷號

學家專治漢唐註疏共六十人尤者曰細井德民字世馨號平洲尾張人更有古

豬飼彥博字希文號敬所西京人中井積德字大處號履軒大坂人藤田一正字子定號

幽谷水藤田彪字斌卿號東會澤安字伯民號正志齋水戶人松崎復字明後號

後人安井衡字仲平號息軒鹽谷世宏字毅侯號岩陰江戶人此外則

為史學者有源光國著大日城主賴襄日本外史嚴垣松苗著國本史

為古文之學者有物茂卿賴襄鹽谷世宏安井衡齋藤謙終字有勢人

北堂伊古賀樸皆卓然能成一家言餘外則林孺字長孺號鶴梁江戶人

柴野邦彥尾藤孝肇室直清太宰純服部元喬山縣孝孺字次門人

周南長中井積善中井積德木下貞幹新井君美安藤煥圖東字

壁號東野佐藤坦安積信字思順號良齋陸奧人柴野允升字應登號碧野州人

古賀煜藤田彪伊藤維楨伊藤長允中江原松永字昌三號尺五皆川愿

堂西熊澤伯繼安積覺山崎嘉湯淺元楨字之祥號常山備前人皆川愿

京人恭號淇賴惟寬字千秋號春水襄父貝原篤信龜井魯千葉元之字子園西京人

元號芸閣龍公美字君玉號草細井德民齋藤馨字子德號竹西京人

長野確字孟確號豐藤森大雅字純風號宏藤澤輔字元發號廣瀨謙

字吉甫號旭篠崎弼字承弼號小坂井華字安藝號虎野田逸字子明號笛

青山延子字子世號拙齋水戶人青山延光字伯卿號延子

中村和字貫名苞屋阿波人摩島宏字子毅號松朝川鼎字五鼎

復太田元貞字公幹號錦城加賀人太田墩字叔復號晴南西京人秦鼎字善庵

江戶龜田興字公龍號鵬齋上野人山本信有字喜六號北朝川鼎字五鼎

尾張春田翫字九泉號蘇我章軒江戶人大橋順字順藏號訥人

日本國志 卷三十二 七

佐久間啟

字子明號象山信濃人

為詩詞之學者有新井君美

著有白石詩稿

田邦美

字景鸞號蛟巖江戶人有蛻巖文集

祇園瑜

字伯玉號南海紀伊人有南海集

秋山儀

字子豐後人有

菅晉師

字禮卿號茶山備後人

賴惟柔

字子基號淡安藝人

賴襄梁

字公圖號星巖美市河子靜

字永日號如亭

堂菊池五

有詩話

著述之富汗牛充棟不可勝數今特取其

說經之書備誌於後三百年來國家太平優游無事士夫每立

一義創一說則別樹一幟如宋明人聚徒講學之風為之黨徒

者若蟻慕羶以千百計及其黨羽已盛名望已成則王公貴人

列藩侯伯爭賁束帛饋兼金或自稱門下或冀得其尺牘手書

以為榮其上者拔之草茅命參機密其次者廣借聲譽亦得溫

飽而此徒彼黨往往負氣不相下各著書說昌言排擊即共居

一門亦有同室操戈兄弟鬩牆以相狎侮者甚則師弟之間反

顏相向或隙末而削籍或師死而背去又比比然也既各持其

說無以相勝則曲託賈豎郵呈詩文於中國士大夫得其一語

褒獎乃誇示同人榮於華袞而朝鮮信使偶一來聘又東西奔

走求一接警歎以證其所學之精其驚聲氣好排擠日本之習

漢學其弊有如此者惟是將軍顯政歷數百載舉國士夫不復

知有名義自德川氏好文尚學親藩德川光國著大日本史隱

然寓斥武門崇王室之意其後高山彥九郎蒲生君平賴襄概

以此意著書立說子孫徒黨繼續而起浸淫漸積民益知義逮

外船事起始主攘夷繼主尊王以攘夷終主尊王皆假借春秋

論旨以成明治中興之功斯亦崇漢學之効也維新以來廣事

外交日重西法於是又斥漢學為無用有昌言廢之者雖當路

日本國志

卷三十二

八

諸公知其不可而漢學之士多潦倒擯棄卒不得志明治十二年西說益盛朝廷又念漢學有益於世道有益於風俗於時有倡斯文會者專以崇漢學為主開會之日親王大臣咸與其席來會者凡數千人云

經說書目

讀易私記一卷讀易圖例一卷周易義例卦變考一卷周易經翼通解十八卷復性辨一卷辨疑錄四卷聖語述一卷讀易圖例一卷論孟古義標註四卷中庸發揮標釋二卷大學定本釋義一卷語孟字義標註二卷周易傳義考異九卷四書集註標註六卷春秋胡氏傳辨疑二卷經說二卷經學文衡三卷詩經說約二十八卷詩經正文二卷大禹謨辨一卷伊藤長允著較定孝經一卷經義撮說一卷經義撮說緒餘四卷古文尚書考十卷

中庸辨一卷經說十卷大學弁二卷論語正義無卷數孝經集覽二卷經義書一卷古文尚書勤王師三卷春秋孔志一卷李鼎祚易解義疏十八卷三禮古器考三卷論語說五卷易象義解五卷書叢十卷尚書勤王師無卷數學庸正義無卷數山本信有四書鈔說十二卷周易程傳鈔說四卷孝經示蒙句解一卷四書示蒙句解二十八卷詩經示蒙句解十八卷小學示蒙句解十卷筆記周易本義十六卷筆記易學啟蒙四卷筆記讀易要領四卷筆記書經集傳十二卷筆記詩經集傳十六卷筆記春秋胡傳四卷筆記禮記集說十五卷筆記大學或問一卷易學啟蒙翼傳一卷家禮訓蒙疏五卷孝經集解一卷中村欽著大學略鈔一卷大學要旨一卷四書五經要語鈔三卷論語摘語一卷大學鈔一卷論語解無卷數自學而仁大學解二卷中庸解三

卷春秋劈頭論一卷四書集註十卷周禮三卷儀禮三卷孝經一卷孟子養氣知言解一卷周易手記六卷四書集註鈔三十卷七書講義私考八卷三禮彥解二卷林信勝著古文孝經標註一卷古文孝經參疏三卷大學古義一卷中庸古義一卷大學解廢疾中庸解廢疾古文尙書考疑尙書類考左氏獨得論語徵膏肓孟子說均無卷數合刻四書四卷論語正文二卷孟子正文七卷毛詩正文三卷古文尙書正文二卷禮記正文五卷世璠著四書序考四卷大學啟蒙集七卷孟子要略四卷朱易衍義三卷小學蒙養集三卷孝經外傳一卷孝經詳略二卷孝經刊誤附考一卷四書點十四卷孝經點一卷小學點一卷五經點十一卷周易本義十卷易學啟蒙二卷論孟精義二十八卷洪範全書六卷山崎嘉著古易斷十卷古易時言四卷古易精義一

卷古易一家言一卷古易一家言補一卷古易通無卷數周易精蘊無卷數易學類編三卷易學小筌一卷梅花心易評註一卷古文孝經發三卷書經通考國字箋左圖易說論語彙考詩經解廣易學必讀均無卷數新井祐登著周易本義首書七卷周易私考十三卷孟子彥解三十三卷論語彥解三十一卷易啟蒙私考四卷大學彥解一卷詩經私考書經私考春秋私考禮記私考周易私考周易程傳考周易程傳翼周易新見均無卷數林春勝著周易釋解十卷易原二卷著卜考誤弁正一卷書經釋解六卷詩經釋解十五卷詩經助字法二卷左傳助字法三卷儀禮釋解八卷大學釋解一卷中庸釋解一卷論語釋解十卷孟子釋解十四卷易學開物無卷數皆川愿著論語古訓外傳二十卷詩書古傳三十四卷朱氏詩傳膏肓二卷周易反正十二卷易

道撥亂一卷古文孝經孔安國傳一卷古文孝經正文一卷論語古訓十卷易占要略一卷春秋三家異同春秋擬釋例六經略說春秋歷均無卷數太宰純著家註孝經一卷孝經和字訓一卷家註論語十卷論經羣疑考十卷家註家語十卷家註詩經五卷家註尚書六卷家註六記六卷孟子斷二卷國語增註六卷大學國字解一卷中庸國字解一卷塚田虎著尚書證一卷孝經證五卷中庸證六卷論語證四卷詩經證三卷易學簡理證論語人物證尚書人物證詩經人物證九經釋例麟經探概爾雅證均無卷數高橋女閣慎著繫辭詳說二卷三論異同一卷論語大疏二卷十卷大學考二卷易解無卷數壁經辨正十二卷論語作者考一卷論語名義考一卷中庸說二卷中庸考二卷九經談十卷

大田元貞著

五經圖解十二卷書經天度辨四卷書經天文圖說二

卷周易指掌大成無卷數周易一生記五卷周易日用掌中指

南一名本

五卷梅花心易掌中指南五卷八卦掌中指南四卷

易學啟蒙圖說一卷斷易指南

一名初字

十卷馬場信武著易術夢

斷一卷易術傳十卷周易解五卷易林圖解二卷左傳占例考

一卷易術明畫二卷易術便蒙一卷易術手引草一卷易術妙

鏡一卷

片岡基成著

易述書經述詩經述二禮述春秋述孝經述論

語述家語述禮記述均無卷數弘著論語徵餘言周易約說周

易古斷繫辭傳辨解書經考詩經考左傳考國語考均無卷數

戶崎哲著周易說尚書說毛詩說春秋說禮記說孝經說論語說毛

詩品物考均無卷數古屋鼎著孝經集說一卷大學古義一卷易學

弁疑一卷經義折衷一卷經義緒言一卷論語集說三禮斷左

氏傳筮說一卷井上立元著論語新註四卷論語攬一卷論語會意

一卷禮記說約十五卷禮記節註六卷孝經餘論一卷詩鏡無
卷數豐島大學小解一卷中庸小解二卷論語小解七卷孟子
小解七卷孝經小解二卷易經小解附卦原七卷大學或問一
經濟二卷孝經外傳或問二卷熊澤伯四書之部十卷四書之
序一卷孝經之部一卷小學之部五卷詩經之部八卷經典餘
師六經用字例無卷數孫世孝經啟蒙一卷大學啟蒙一卷大
學解一卷大學考一卷中庸解一卷論語解一卷鄉黨篇翼傳
三卷中江大學定本一卷中庸發揮一卷論語古義十卷孟子
古義七卷論語字義二卷周易乾坤古義一卷春秋經傳通解
二卷伊藤維卜易通商考一卷增補周易通商考一卷周易卦
爻象解二十卷周易風俗通一卷周易彖解一卷易林獨步無
卷數吉川祐辨大學非孔書并一卷批大學并斷一卷大戴禮

記三卷詩數十卷小學講義六卷喪禮小記一卷淺見安四書
俚諺鈔十卷四書集註俚諺鈔五十卷孟子并田并一卷孝經
增補首書一卷孝經評略大全四卷易學啟蒙合解評林七卷
毛利大學解二卷中庸解二卷論語徵十卷論語并書四卷
辨道一卷辨名一卷萩生雙詩經國字解十卷詩經古註標註
二十卷古文尚書標註十三卷左傳纂疏六十卷左傳魯歷考
一卷宇野成易學通解二卷易學時考指南二卷易學卦象自
在三卷易學餘考一卷歲卦斷一卷井田龜周易鄭氏註三卷
易乾鑿度二卷尚書大傳五卷儀禮逸經傳一卷訂正爾雅十
卷木村孔三禮口訣二卷四書集註十卷五經十一卷小學句
讀四卷孝經大義一卷信原篤詩經大訓詩經小訓詩經夷考
毛鄭異同考均無卷數詩經古傳五卷細井德魯論愚得解一

卷洪範筮法一卷讀易雜鈔四卷書十一篇傍訓一卷入易門
庭一卷救生道周易解十卷書經二典解二卷詩經毛傳補義
十卷孟子解七卷左傳解十卷網龍白讀易要領無卷數讀詩
要領一卷孟子考證一卷大學衍義考證十卷中村明周易講
義四書講義均無卷數周易新疏十卷大學新疏二卷中庸新
疏二卷室直平氏春秋二卷讀論語十卷大學考十卷易筮探
賾一卷孝經考一卷諸葛氏大學考中庸古註書今文定本春秋
三傳比考小爾雅均無卷數南宮岳五經集註首書五十七卷小
學集說鈔六卷春秋胡傳集解三十卷四書事文實錄十四卷
松永遇經學要字箋三卷四書國字解五經國字解均無卷數
穗積次大學證大學考證四書考證均無卷數星野增註大學
貫著一卷增註中庸一卷國語訂字一卷岡島順著毛詩徵一卷論語譯

論語闕無卷數龍公美學庸解一卷論孟解至誠一貫之圖均無
卷數手島四書便講六卷大學全蒙釋言一卷孟子盡心口義
一卷信藤直易手記二卷堯典和釋一卷古本大學校一卷輪
希賢論語室二卷論語堂五卷孟子選二卷河合論語何晏集
解植字本二卷論語集解考異四卷經籍通考無卷數吉田
詩經古註二十卷左傳異名考一卷周易古註校十卷井上通
左傳音釋一卷四書集註點十卷五經十一卷後藤世周易音
義一卷尚書音義一卷國語略說四卷陶修大學諸註集覽四
卷中庸諸註集覽四卷論語朱氏新註正誤十卷鈴木行左傳
白文校七卷儀禮圖鈔無卷數服部元四書大全二十三卷四
書存疑點十五卷鵜飼信四書句讀大全二十卷七書諺解三
十八卷山鹿義大學明德之圖一卷四書詳論無卷數山岡元

春秋七草一卷左傳名物解無卷數後藤光生著詩經名物辨解七

卷周易本義國字解五卷江村如圭著詩經圖一卷經說無卷數井新

著君美易學啟蒙諺解七卷書言俗解六卷輔原立孝經古點大

學古點無卷數久川資衡著韓文公論語筆解考二卷論語徵正文

一卷伊東龜年著論語說敷經論珠璣無卷數馬江平鄭註孝經一

卷孝經引證一卷岡田挺之著論語撮解一卷大學私衡一卷龜田

鼈頭四書集註十卷小學詳解十四卷宇都宮論語考六卷左

傳考三卷宇野鼎著左傳輯釋二十二卷論語集說六卷安井四書

通辨八卷伊藤元基著詩經小識五卷稻生宣義著大學養老編三卷江

忠圖詩經古義無卷數西湖小虞著歷象俗解二卷西川忠

經孟子考文補遺三十一卷山井鼎著叔達茂卿之弟故又自稱物

氏日本上毛有參議小野篁遺址足利氏與其地建學校頗

藏古書鼎借其友根遜志往探獲七經孟子古本蓋唐時所齋

來者又獲宋本五經正義遂作考文物茂卿為之序享保中官

命觀等搜集諸本為之補遺此書已錄四庫書目故特詳之

四書唐音弁二卷岡島明敬著通俗四書註音考一卷後波方春秋

傳校正三十卷那波師曾著易林集註鈔二十四卷名古屋禮記王

制地理圖說一卷長久元珠著三禮儀略四卷村士宗章著五經旁訓十

四卷清田繪著古文孝經國字解一卷宮瀨維幹著五經童子問無卷數

人見書反正一卷伊藤長堅著孝經齋氏傳二卷齊宮必蘭著春秋紀要

壹著無卷數岡崎信好著四書大全頭書二十二卷藤原肅著孝經翼一卷村

和著

外史氏曰日本之習漢學萌於魏盛於唐中衰於宋元復起於

明季迨乎近日幾廢而又將興蓋自王段博士接踵而來於是

有論語五經而人始識字隋唐遣使冠蓋相望於是習文章辭

賦而君臣上下始重文惟中間佛教盛行武門迭起士夫從事

賦而君臣上下始重文惟中間佛教盛行武門迭起士夫從事

賦而君臣上下始重文惟中間佛教盛行武門迭起士夫從事

金革不知有儒漢學一綫之延僅賴浮屠氏得以不墜而追德
川氏興投戈講藝藤林諸人卓然崛起於是有爲程朱學者有
爲陸王學者有爲韓柳之文王李之詩者益彬彬稱極盛焉夫
日本之傳漢學也如此其久其習漢學也如此其盛而今日顧
幾幾欲廢之則以所得者不過無用之漢學芻狗焉耳糟粕焉
耳於先王經世之本聖人修身之要未嘗用之亦未嘗習之也
自唐以來唯習詩文自明以來兼及語錄夫辭章之末藝心性
之空談皆儒者末流之失其去道本不可以道里計而日本之
學者乃唯此是求千餘年來豈謂無一人焉欲舉修齊治平之
道見之施行者而以武門竊權仕者世祿之故朝廷終不能起
儒者於草莽破格而用之儒者自知其無用亦唯窮而在下者
區區掇拾而逐其末舉國之人以讀書者少羣奉爲難能可貴

而儒者以少爲貴遂益高自位置峻立崖岸詡詡然誇異於人
曰吾通漢學而究其拘迂泥古浮華鮮實卒歸於空談無補有
識之士固旣心焉鄙之一旦有事終不能驅此輩清流使之誦
經以避賊執筆以却敵復見夫西人之槍礮如此輪舶如此聞
其國富強又如此則益以漢學者流爲支離無足用於是有廢
之之心其幾廢也夫亦彼習漢學者有以招之也雖然坐井觀
天曰天小者非天小也彼徒見日本之學者亦遂疑漢學不過
爾爾至使狂吠之士詆譏狎侮以儒爲戲甚且以仁義道德爲
迂濶以堯舜孔孟爲狹隘而孝經論語舉東高閣其見小不足
與較吾哀夫功利浮詐之習中於人心未知遷流所至也且卽
以日本漢學論亦未嘗無用也今朝野上下通行之文何一非
漢字其平假名片假名何一不自漢文來傳之千餘年行之通

國既如布帛菽粟之不可一日離即使深惡痛絕固萬萬無廢理況又辭章之末藝心性之空談在漢學固屬無用而日本學者正賴習辭章講心性之故耳濡目染得知大義尊王攘夷之論起天下之士一倡百和卒以成明治中興之功則已明明收漢學之効矣安在其無用也耶此其事當路諸公宜若未忘吾是以知漢學之必將再興也方今西學盛行然不通漢學者至不能譯其文年來都鄙諸學爭聘漢學者為之師而文人學士亦不如前此無進身之階漢學之興不指日可待乎吾願日本之治漢學者益驚其遠大者以待時用可也

西學

西學之濫觴蓋始於寶永年間德川將軍家宣云自耶蘇教作亂於天草設為厲禁教士悉加驅逐西書概行塗抹及是有羅

馬教士若望至幕府命新井君美就詢海外事君美始著采覽

異言一書

寶永戊子洋船來薩州載教士一人置之夜久島而歷問海商和蘭以為羅馬國人也時家宣為儲副以問君美君

美答曰彼來求我苟不通言語何以達其志然彼亦人耳豈同鳥語獸言莫能悉其意也家宣既嗣位遂命送致江戶使君美按驗之君美就之咨諏方俗其人出懷中冊檢閱以答蓋西人所譯日本方言也久而益熟日本語君美於是筆其所述作采覽異言即西學之始也君美又著有西洋圖說西學紀聞西學推問西學考略和蘭紀事阿蘭陀風土記諸書

之嗣後船主間歲一入觀君美輒就問沿為例復續為後語世

始知有和蘭學尋命醫官桂川甫筑儒官青木文藏長崎人西

川如見等從蘭人習其語言或醫術歷算等學而前野良澤杉

田元白等諸子各研究其術由是西學漸行於世自君美始倡

和蘭字故稱蘭行未易通解交藏以為其說必有可取特往長寄質譯者習其書始得蕃薯請於官種之各島民感其惠稱曰甘薯先生文藏又習種痘方所著有和蘭文字畧考三卷和蘭話譯二卷前野杉曰皆習蘭醫前野氏所著有和蘭譯文畧蘭

譯筌蘭語隨筆杉田氏所著有解體約圖解體新書行於世有
小石元俊者嘆其精絕特從前野杉田討論蘭學名醫山脇東
洋素疑蘭醫論臟腑與漢說異召元俊使弟子數十人論難元
俊依問辨析竟乞於官解剖刑餘屍以徵之自藏諸位置形狀
及骨節微細之處一如蘭醫所說於是東洋反弟子乃服關以
西據蘭說以解屍以是為始其後西京大阪蘭學之行則元俊
首倡之也大槻元澤六物新志曰和蘭學一塗草創於新井白
石中興於青木文藏休明於前野蘭化盛於杉田鶴齋近世
以蘭學著者實淵源於四先生云大槻氏亦精蘭學所著有蘭
學階梯泰西醫說蘭說夜話蘭譯要訣環海異聞泰西新話諸
書

延享元年將軍吉宗始建天文臺於江戶神田又製簡天儀
後迭經廢置更於淺草建二臺九段坂建一臺凡歷算推步之
事悉命司掌處士若間長涯麻田剛立輩亦頗習西術故當時
遂採西法以改歷焉外舶迭來海疆多事當路者皆以知彼國
情取彼長技為當務之急文化八年始置翻譯局於淺草天文
臺中特舉蘭學者數名專譯和蘭文書稱為蕃書和解方安政
三年內辰又改稱翻譯局為蕃書調所更於翻譯之外講授蘭

書幕府尋諭凡士人願入學者聽又諭諸藩士有願入學者亦
聽未幾英吉利法蘭西普魯士魯西亞諸書並令講授漸次設
置化學物產學數學等三科又命編纂英和對譯書文久二年
壬戌又改為洋書調所六月遣教授手傳津田真一郎西周助
於和蘭留學後二年乃歸朝遣生徒留學外國以是為始八月更改校名為
開成所癸亥又遣生徒市川文吉小澤圭次郎緒方四郎大築
彥五郎等於魯西亞留學慶應二年丙寅又遣生徒箕作奎吾
箕作大麓外山捨八市川森三郎億川一郎等於英國留學是
年特聘和蘭人特馬為理學化學教師延外國人為教授蓋於
此權輿明治元年將軍奉還政權當幕府時所習西學以天文
歷算醫術為宗率以荷蘭人為師逮其未造兼及他術並師他
國然一二西學學校皆為官學諸藩猶未之知當時諸藩若薩

摩若長門皆力主攘夷既慶島馬關戰輒失利則爭遣藩士擇其翹楚厚其資裝俾留學外國今之當路諸公大率從外國學校歸來者也維新以後壹意外交既遣大使巡覽歐美諸大國日觀其事物之美學術之精益以崇尚西學為意明治四年設立文部省尋頒學制於各大學區分設諸校有外國語學校英語為則先是習外國語者多從傳教士習學通計全國教習英語故英書塾不下數百及是官立語學校民間聞風慕效爭語最為盛行有小學校其學科曰讀書曰習字曰算術曰地理曰歷史曰修身兼及物理學生理學博物學之淺者益以鄧畫唱歌體操謂秋千蹴鞠之類諸事有中學校其學科亦如小學而習其等級之高者術藝之精者有師範學校則所以養成教員以期廣益者也自學制改習西學苦於無師舊日師長唯術知者甚稀故文部省議以養成教師為急務美國有師範學校所以教為人師者特做其學制並聽其國人開師範學校凡

小學教師皆有專門學校則所以研窮學術以期專精者也於是撰取焉有專門學校則所以研窮學術以期專精者也十一月始議置專門學科先於所聘外國教師中舉其尤者為專門校長王申正月遂開專門學校場創置於舊靜岡藩邸大學校召集師生親加詢問者不多姑令開場三月國皇始臨御學科以英語教授諸藝學鑛山學又改校名為開成學校四月設立月建築專門講習校於錦町甲戌九月改正教規更以法學化學人工學分本科豫科別編課程於是生徒得入本科總計二十四人法學九人化學九人人工學六人是專門生徒嚆矢也乙亥八月選拔文部省本校生徒十一名命留學各國米國九名佛國一名獨國一名各於所習之學科分有東京大學校即舊門研究此專門學生留學外國之始也有東京大學校即舊時之洋書調所維新以後改稱為大學南校庚午四月令以大坂洋學所化學所屬於南校七月大政官令諸藩舉年十六以上二十以下之俊秀入南校稱為貢進生其制十五萬石以上大藩三人五萬石以上中藩二人一萬石以上小藩一人既而罷之學中制度課程亦改革不一至明治六年定為法學分法理學文學三學部於是學中規模頗近似歐美大學云等學理學文學三學部定各制課程分四年生徒增級亦分四等且於法蘭西日耳曼二語中兼習法學專習法律為主並及法其一唯法學部必兼學法蘭西語

蘭西律英吉利律並及公法若列國交際法結約法航海法海上保險法之類理學分

為五科一化學科二數學物理學及星學科三生物學科四工

學科五地質學及採礦學其第一年課程各科所習無甚異

科一文學分爲二科一哲學謂講明道義政治學及理財學科二和漢

文學科皆兼習英文或法蘭西語或日耳曼語凡習文學其東

京醫學校併隸於本校焉此外有工部大學校以教電信鐵道

鑛山之術有海陸軍兵學校以教練兵製器造船之術天文中

船來大隅始得鳥銃島主種子島久時命工模造之而不成功

年船又來乃得其法其後薩摩得之雄於九州北條氏得之遂

併關八州慶安四年將軍家綱命北條正房就蘭人學戰法

及大礮火箭之法正房錄爲一書以獻然以時方治平無講求

其術者迨海疆事起蘭學者流爭譯鑽蠟悉以傳其法當時

水戶藩源齊昭最重其器有請銷梵鐘悉以鑄礮之疏信濃人

佐久間啟嘗作礮卦仙臺人大規磐溪亦習礮術皆鑄而試之

有效幕府既知西國兵事之精乃遣矢田堀景藏勝麟太郎往

長崎就蘭人學操礮船術又遣榎本金次郎未松太郎往

和蘭學海軍大島圭介往法國學陸軍蓋爾時已習西法矣維

新以後日以擴充遂專有農學校以教種植教之物性教之土

設兵校餘詳兵志中勸農局設植物園羅聚五洲種植之品

裁種之法培養之方於學亦有爲本草學者第舉外國種之品

親試驗之日本自開蘭學亦有爲本學第舉外國種之品

其名與仙性耳未及種衣伯連得三新法一日氣筒疊磚如筒

員津田仙從農學家荷土中則地質增肥物益茂盛一曰樹枝

偃曲法凡果實花時取其枝之向上以繩縛之令其偃曲而傾

下使枝減生力則本幹長大新芽發生花實穰盛一皆如意

所欲一日配合法亦於果實初花時用蜂蜜各物塗於花使雌

雄蕊合如此則結果大而多實初花時用蜂蜜各物塗於花使雌

簿記教之欸倍歸試於國頗有射利之方日本不慣營商其術

殊拙維新以來始有土法投機從事於此者近日商學校甚盛

工學校以教技巧草木之工變更利器製作之法凡金石女學校

以教婦職多習纂組縫紉之工並及音樂初開拓次官黑田清

子五名命以官費留學美國極陳教育婦女之要政府從其言選女

子師範學校其後各地慕勵女學校益多凡學校無論官立

出於官費公立合而設郡區町村聯立出於私費皆受轄於

文部學規教則命文部卿監督之朝廷既崇重西學爭延西人

爲之教師明治六七年間各官省所聘府縣所招統計不下五六百人初徵諸藩貢進士留學外國既乃擇專門學生大學生學之小成者以官費留學初遣留學生擇年少聰穎未嘗學問先染惡習政府以所費多而所得少乃悉召還再以學優者遣往而各府縣子弟以私費學於外國者尤眾既廣開學校延師督教朝夕有課誦誦有程而隸於學校者有動物室植物室金石室古生物室土木機械模型室製造化學諸品室古器物室羅列各品以供生徒實地考驗之用各官省爭譯西書若法律書農書地理書醫書算學書化學書天文書海陸軍兵書各刊官板以爲生徒分科學習之用外交以後福澤諭吉始譯刊英文名西洋事情世爭購之近年鉛製活板盛行每月發行書籍不下百部其中翻譯書最多各府縣小學教科書概以譯書充用明治五年倣西法設出版條例著書者給以版權許之專賣於是士大夫多以著書謀利益者現今坊間所最通行者爲法律書農書及小學教科書云復有書籍館彙聚古今圖書以縱

人觀覽統計全國官私藏書爲數十六萬所藏和漢書凡二十章程有願讀某書者悉博物館陳列歐亞器物以供人考證計人覽惟不許攜出產園開小博覽會以物產掛田中并男五月始於九段坡上物產園開小博覽會以物產掛田中并男等董其事是爲博覽會之始自是年至十一年六月所開博覽會共四處新聞紙論列內外事情以啟人智慧明治十一年計東共二百三十一種是年發賣之數計三千六百一十八萬零一百二十二紙在東京最著名者爲讀賣新聞東京日新新聞便報知新聞朝野新聞東京曙新聞多者每歲發賣五百萬紙少者亦二萬紙外國人亦編萬國新聞明治元年西京始刊太政官口誌蘭學草柳川春三又於江戶刊中外新聞米國人其亦於橫濱著藻鹽草然爾時世人未知其益也四年廢藩立縣改革政體新開論說頗感動人心其明歲英人親刺屈作日新實事誌始用洋紙與歐美相類繼而東京日日新聞報知新聞等接踵而起日肆論說由是類類毀而東京日日新聞報知新聞等謗律新聞條例有毀成法害名譽者或禁獄或罰金然購讀者益多發行如新盛乃至村僻荒野亦爭傳誦皆謂知古今益人智慧莫如新聞故數年驟增其數至二百餘種之多計其中除論說時事外專述宗教者二十六官令法律六理財通商二旬每月刊布者又洋文新聞英文三種法文二種當政府設立

新聞條例之初有萬國新誌係以英人編纂和文犯例而不甘
受罰謂外國人按約無違奉日本法律之理政府告之英國公
使謂苟如此則日本新聞假名於外人例將為虛設公使從其
言乃布告英民除英文新聞外如以日本文刊行者即應遵日
本罰則云由是西學有蒸蒸日上之勢西學既盛服習其教者
漸多漸染其說者益眾論宗教則謂敬事天主即儒教所謂敬
天愛人如已即儒教所謂仁民保汝靈魂即儒教所謂明德士
夫緣飾其說甚有謂孔子明人倫而耶蘇兼明天道者論義理
則謂人受天地之命以生各有自由自主之道論權利則謂君
民父子男女各同其權淺學者流張而恣之甚有以綱常為東
縛以道德為狹隘者異論蠡起倡一和百其勢浸淫而未已若
夫國家政體多採西法則他志詳之矣

外史氏曰以余討論西法其立教源於墨子吾既詳言之矣而
其用法類乎申韓其設官類乎周禮其行政類乎管子者十蓋

七八若夫一切格致之學散見於周秦諸書者尤多余考泰西
之學也向同兼愛明鬼事天即耶穌十誠所謂敬事天主愛人
如己他如化徵易若龜為五合水火土離然錄金腐水離木
同重體合類異二體不合不類此化學之祖也一少於二而多
於五說在重非半弗鄰倍也莫絕此重學之祖也一圓方柱見
偶四說在圓規寫方柱見股二尺餘此重學之祖也一圓方柱
學之祖也成景於下鑑近中光夾一光足被下光故成景於上
上光故成景於下鑑近中光夾一光足被下光故成景於上
祖也皆著經上下篇墨子又有備大遠中則所鑑小此光學之
氏春秋備言墨翟之技創為能飛非機備突備梯所鑑小此光學
大戴禮曾子曰如誠天之圓而地方則非機備突備梯所鑑小此
地旁陀四隕形如覆槃素問地度風輪扶之書大氣舉之易乾
坤母運軸蒼頡云地行一度風輪扶之書大氣舉之易乾
止而人不知春秋元命苞地一度風輪扶之書大氣舉之易乾
起於畢非所謂地球渾圓天靜地動乎亢倉子曰蛇地象地右動
蜺水謂之氣關尹子曰石擊石生光雷電緣氣而生可以為之
淮南子曰黃埃青會赤丹白擊石生光雷電緣氣而生可以為之
雲陰陽相薄為雷激揚為電上者就下流水就通而入於海鍊
土生木鍊木生火鍊火生雲鍊雲生水鍊水就通而入於海鍊
氣者又詳矣機噐之作後漢書張衡作候風地動儀施關發機
有八龍銜玉女捧時刻籌時至則浮水上左右二金甲神一懸
造宮漏有玉女捧時刻籌時至則浮水上左右二金甲神一懸

鐘一懸鉦夜則神人按更而擊奇巧殆出西人上若黃帝既爲指南車諸葛公既爲木牛流馬楊公既爲輪舟固眾所知者相土宜辨人體窮物性西儒之絕學然是於大戴禮管子淮南子挹婁子及史家方伎之傳子部藝術之類且不勝引至天文算法本周髀蓋天之學彼國談幾何者譯稱借根方爲東來法火器之精得於普魯斯人爲元將部下卒彼亦具述源流近同文館丁建良說電氣道本於磁石引鍼琥蓋中土開國最先數千年前環四海而居者類皆蠻夷戎狄鶉居蟻伏混沌茫昧而吾中土既聖智輩出凡所以厚生利用者固已無不備其時儒者能通天地人農夫戍卒能知天文工執藝事得與坐而論道者居六職之一西人之學未有能出吾書之範圍者也西人每謂中土泥古不變吾獨以爲變古太驟三代以還一壞於秦之焚書再壞於魏晉之清談三壞於宋明之性命至詆工藝之末爲卑無足道而古人之實學益荒矣

大清龍興

聖祖崛起以太公無外之心用南懷仁湯若望爲臺官使定時憲經生之兼治數學者類多融貫中西闡竭幽隱其精微之見於吾書者皆無不樂用其長特憾其時西人藝術猶未美備不獲博採而廣用之耳百年以來西國日益強學日益盛若輪船若電綫日出奇無窮譬之家有祕方再傳而失於鄰人久而迹所在或不憚千金以購遺之今輪船往來目擊其精能如此切實如此正當攷求古制參取新法藉其推闡之妙以收古人制器利用之助乃不考夫所由來惡其異類而並棄之反以通其藝爲辱效其法爲耻何其隘也夫弓矢不可敵大礮槳櫓不可敵輪船惡西法者亦當知之特未知今日時勢之不同古人用夏變夷之說深入於中誠恐一學西法有如日本之改正朔易服色殊器械以從之者故鰓鰓然過慮欲并其善者而亦棄之

固亦未始非愛國之心顧以我先王之道德涵濡於人者至久
本朝之恩澤維繫於人者至深所謂天不變道亦不變終不至
盡棄所學而學他人彼西人以器用之巧藝術之精資以務財
訓農資以通商惠工資以練兵遂得縱橫倔強於四海之中天
下勢所不敵者往往理反爲之屈我不能與之爭雄彼挾其所
長日以欺侮我凌逼我終不能有簪筆雍容坐而論道之日則
思所以扞衛吾道者正不得不藉資於彼法以爲之輔以中土
之才智遲之數年卽當遠駕其上內則追三代之隆外則居萬
國之上吾一爲之而收效無窮矣曾是一慚之不忍而低首下
心沁沁視爲民吏羞乎且器用之物原不必百然人一用之
泰西諸國以互相師法而臻於日盛固無論矣日本最爾國耳
年來發憤自強觀其學校分門別類亦駸駸乎有富強之勢則
卽謂格致之學非我所固有尙當降心以相從況古人之說明
明具在不恥術之失其傳他人之能發明吾術者反惡而拒之
指爲他人之學以效之法之爲可恥旣不達事變之甚抑亦數
典而忘古人之實學 本朝之掌故也已

浙江書局刊

鮑家瑞校

樊熙校

丁立城校

日本國志第九

卷之三十三

出使日本參贊官黃遵憲編纂

學術志二

文學

日本古時文字或曰有或曰無紛如聚訟

世傳日本元有國字至推古朝尚存藏於

一部家惟據古語拾遺曰上古無文字故事口耳相傳而已大

江匡房

遠說當考漢籍未來之先固無文字然亦有造作形體以記事

可據

者世傳有肥人書有薩人書如一二五作一川之類今猶有

存皆蝦夷之地今尚沿用其五字之外或亦有變換點畫如羅

馬數字或畫作○口或作鳥獸草木形之類然俱不可考近世

倡神學說者謂神代自有文字所據鎌倉八幡寺河內國平岡

寺和州三論寺額有字不可讀者有體不可辨者有如科斗書